

ქ. თბილისის მუნიციპალიტეტის
საკრებულოს თავმჯდომარეს
ბატონ გიორგი ალიბეგაშვილს

ბატონო გიორგი,

ქ.თბილისის მუნიციპალიტეტის საკრებულოს საქართველოს ორგანული კანონის
„ადგილობრივი თვითმმართველობის კოდექსი-ს 88-ე მუხლის პირველი პუნქტის
შესაბამისად, წარმოგიდგენთ საკრებულოს წევრის, ირაკლი გვილავას გაწეული
მუშაობის შესახებ ანგარიშს.


დანართი 16 ფურცელი.

პატივისცემით,

ქ.თბილისის მუნიციპალიტეტის საკრებულოს
წევრი



/ი. გვილავა/



№ 16/18536 ს.ს. 16.02.15



ქალაქ თბილისის მუნიციპალიტეტის
საკრებულოს წევრის ირაკლი გვილაგას გაწეული მუშაობის შესახებ
ანგარიში

2015 წელი

2014 წლის 15 ივნისის ადგილობრივი თვითმმართველობის არჩევნების შედეგად, 2014 წლის 14 ივნისის N1 განკარგულების საფუძველზე, საქმიანობას შეუდგა ქ.თბილისის საკრებულო ახალი შემადგენლობით.

ქ.თბილისის საკრებულოში წარმოვადგენ პროპორციული წესით არჩეულ წევრს (მპგ „ქართული ოცნება–დემოკრატიული საქართველო“), 2014 წლის საკრებულოს განკარგულების საფუძველზე ამირჩიეს ქ.თბილისის საკრებულოს სპორტისა და ახალგაზრდულ კომისიის და გარემოს დაცვის კომისიის წევრად, რომელი კომისიაც შევიცვალე და საქმიანობა განვაგრძე ქ. თბილისის მუნიციპალიტეტის საკრებულოს ჯანმრთელობისა და სოციალურ საკითხთა კომისიაში. ასევე გახლავართ ქ.თბილისის ფრაქცია „ქართული ოცნება - დემოკრატიული საქართველოს“ წევრი.

საქართველოს ორგანული კანონის „ადგილობრივი თვითმმართველობის კოდექსის“ და ქალაქ თბილისის მუნიციპალიტეტის საკრებულოს რეგლამენტის შესაბამისად, დეტალურად წარმოგიდგენთ ანგარიშს გაწეული მუშაობის შესახებ:

- საკრებულოს სხდომებში, კომისიებისა და ფრაქციების მუშაობაში მონაწილეობის შესახებ ინფორმაცია:

საანგარიშო პერიოდში (01.01.2015წ.-13.10.2015წ.) გაიმართა საკრებულოს 25 სხდომა, მათ შორის დავესწარი – სხდომას. მთლიანობაში მიღებული გვაქვს 101 დადგენილება და 380 განკარგულება.

აღსანიშნავია ის ფაქტი, რომ საკრებულო, მერიასთან ერთად, საგანგებო რეჟიმში მუშაობდა 13-14 ივნისს მომხდარი სტიქიის შედეგების სალიკვიდაციოდ. მერიასთან შეთანხმებით მოხდა სტიქიის შედეგად დაზარალებულ პირთა საცხოვრისით უზრუნველყოფის, უძრავი ქონების დათმობისა და სხვა სახის ფულადი დახმარების გაცემის წესის შემუშავება, რომელსაც ერთხმად დაუჭირა მხარი საკრებულოს 46 წევრმა.

წესის პროექტი წარადგინა მაშინდელმა ვიცე-მერმა დიმიტრი ქუმსიშვილმა. წესის მისედვით დაზარალებულები ორ კატეგორიად დაიყო, პირველ კატეგორიაში შედიან ოჯახები, რომელთა საცხოვრებელი სახლებიც აღდგენას არ ექვემდებარება, ხოლო მეორე კატეგორიაში-ოჯახები, რომელთა სახლების აღდგენაც შესაძლებელია. წესი ითვალისწინებს ზარალის ანაზღაურების ორ ვარიანტს და დაზარალებულს უფლება აქვს იაგად აირჩიოს, თუ რომელი შეთავაზებით სურს ზარალის ანაზღაურება. ასევე, დაზარალებული ოჯახები მიიღებენ საოჯახო პაკეტის შესაძენად გამოყოფილ

დახმარებას, კერძოდ 1 და 2-წევრიანი ოჯახი-8000 ლ., 3 და 4-წევრიანი ოჯახი 8700 ლარს, 5 და 6-წევრიანი ოჯახი-9400 ლარს და მეტწევრიანი ოჯახი-10500 ლ.

13 ივნისის სტიქიის სალიკვიდაციო სამუშაოებში ჩართული ვიყავი აგრეთვე საორგანიზაციო კუთხით, კერძოდ მოხალისეების ორგანიზებისა და სტუდენტების ჩართულობის მხრივ ქ. თბილისის მერიის განათლების სპორტისა და ახალგაზრდულ საქმეთა საქალაქო სამსახურთან ერთად.

სტუდენტების მობილიზების გარდა, მოხდა ახალგაზრდული არასამთვარო ორგანიზაციების ჩართულობა, მოხალისეებმა ფიზიკური სამუშაოების გარდა მონაწილეობა მიიღეს დაზარალებული მოსახლეობის მატერიალური ზიანის აღწერაში, მორიგეობდნენ დროებით საცხოვრებელ პუნქტებში და ხელს უწყობდნენ კომუნიკაციას მერიის შესაბამის სამსახურებსა და მოქალაქეებს შორის.

აგრეთვე ჩემი ინიციატივით სამედიცინო უნივერსიტეტის სტუდენტების და კურსდამთავრებულების მობილიზება, რომლებიც მორიგეობდნენ პირველადი სამედიცინო დახმარების პუნქტებში და მოხალისეებს უწევდნენ პირველად სამედიცინო დახმარებას კომპეტენციის ფარგლებში

სპორტისა და ახალგაზრდობის საქმეთა კომისიამ ჩაატარა 24 სხდომა, რომლებზეც განხილულია 41 საკითხი. მომზადდა 25 დასკვნა.

როგორც ჯანმრთელობისა და სოციალური დაცვის საკითხთა კომისიის წევრი, დავესწარი ამ კომისიის ————— სხდომას და მონაწილეობა მივიღე ————— —საკითხის განხილვაში.

როგორც ფრაქცია „ქართული ოცნება -დემოკრატიული საქართველოს“-ს წევრი, დავესწარი ფრაქციის – სხდომას, რომელზეც განვიხილეთ ————— საკითხი.

- საკრებულოს წევრის უფლებამოსილების ფარგლებში სახელმწიფო და ადგილობრივ ორგანოებთან ურთიერთობის შესახებ ინფორმაცია;

შეხვედრები ადგილობრივ ორგანიზაციებთან:

1. ააიპ-ის " ევროპის ახალგაზრდული ოლიმპიური ფესტივალის "თბილისი 2015"-ს საორგანიზაციო კომიტეტი"-ს ხელმძღვანელობასთან;
 2. ააიპ-ის თბილისის ევროპული ახალგაზრდული ცენტრის ხელმძღვანელობასთან;
 3. სამოქალაქო ინიციატივების ახალგაზრდული ცენტრის „მომავალი“ ხელმძღვანელობასთან;
 4. ახალგაზრდა იურისტთა ასოციაციის წარმომადგენლებთან.
 5. ა(ა)იპ „ახალგაზრდული ინიციატივებისა და სამოქალაქო განვითარების აკადემიური ცენტრი“-ს ინიციატივით, არასამთავრობო ორგანიზაცია „ახალგაზრდობა მსოფლიოსათვის“ ორგანიზებით და აღმოსავლეთ ევროპისა და კავკასიის რესურს ცენტრი SALTO-ს მხარდაჭერით შემუშავებული პროგრამის „ევროკავშირთან ინტეგრაციის გზაზე“ პრეზენტაციას.
 6. ევროპის იურისტ სტუდენტთა ასოციაცია (ELSA) საქართველოსთან.
 7. ევროპის მედიკოს სტუდენტთა ასოციაციის (EMSA) –Tbilisi-ს ხელმძღვანელობასთან
 8. უნივერსიტეტების სტუდენტური თვითმმართველობების ხელმძღვანელობასთან (თსუ, თსსუ, სტუ, სსუ, ილიაუნი) სტუდენტების საჭიროებების და პრობლემების განსაზღვრისა და მათი მოგვარების ხელშეწყობის მიზნით.
9. შეხვედრები თბილისის ფედერაციებთან: უშუს (ლაშა სუმბულაშვილი), ფრენბურთის (სულხან ახვლედიანი), ფრისბის (ალეკო ედიშერაშვილი), კალათბურთის (ზვიად კოტრიკაძე), ჩოგბურთის(თორნიკე კიკნაველიძე), ფუტსალის(ზვიად ხაჩიაშვილი), თბილისის ტანვარჯიშის;

სსვა სახის ინფორმაცია

კომისიის საქმიანობის პრიორიტეტს წამოადგენს თბილისის მასშტაბით სპორტისა და ახალგაზრდობის საქმეთა სფეროში ერთიანი პოლიტიკის გატარებაში ხელშეწყობა, რაც ხორციელდება სპორტული და ახალგაზრდული პროგრამების შემუშავებით.

ასევე უაღრესად მნიშვნელოვანია და პრიორიტეტია სპორტის, როგორც სამოქალაქო ერთიანობის ხელშეწყობისა და ინტეგრაციულ პროცესებში დადებითი როლის მატარებელი ფაქტორის გამოყენება.

წარმოგიდგენთ საანგარიშო პერიოდში, კომისიის საქმიანობას, მის მიერ განხილულ პროექტებზე, განცხადებებს/წერილებზე მოხდენილი რეაგირების შესახებ დეტალურ ინფორმაციას:

კომისიამ წლის დასაწყისში, პირველივე სხდომაზე განიხილა რიგით მე-13 ზაფხულის ახალგაზრდული ოლიმპიური ფესტივალის „თბილისი- 2015“ მოსამზადებელი ღონისძიებები შესაბამისი ბიუჯეტით.

ფესტივალის საერთაშორისო სტანდარტების შესაბამისად ჩატარების მიზნით განხორციელდა შესაბამისი სპორტული ცენტრების მშენებლობა-რეაბილიტაცია და მათი საერთაშორისო სტანდარტების მიხედვით მოწყობა. ოლიმპიური ფესტივალის მასშტაბურობიდან გამომდინარე და მისი მაღალ დონეზე ორგანიზებისათვის დახარჯულია 93 541 300 მლნ. ლ.

ოლიმპიადის ფარგლებში აშენდა:

- ფრენბურთის დარბაზი;
- მძლეოსნობის კომპლექსი;
- ტანვარჯიშის დარბაზი;
- სასტუმრო კომპლექსი;
- საერთაშორისო სტანდარტების მზიურის ჩოგბურთის კორტები, 1 ცენტრალური, 2 დახურული და 8 სათამაშო კორტი, ტევადობა-700 ადგილი.

სამინისტროს მიერ დაფინანსებული:

1. ახალი საცურაო კომპლექსი (ახალი თბილისის ტერიტორია)

რეკონსტრუქცია გაუკეთდა:

- ააიპ „მიხეილ კეკელიძის სახელობის ბავშვთა და მოზარდთა კალათბურთის სასახლეს ვერის ბაღში;
- ააიპ „თბილისის მერიის მ. კეკელიძის სახ. ოლიმპიური მზადების სპორტული ცენტრს“ წერეთლის გამზირზე;
- ააიპ „თბილისის მერიის ოლიმპიური მზადების კომპლექსური სპორტული ცენტრს“, რომელიც მდებარეობს ბელიაშვილის ქ. N5-ში;

თბილისმა 50 ქვეყნის 2,334 სპორტსმენს უმასპინძლა. ფრენბურთელები, ხელბურთელები, ძიუდოისტები, კალათბურთელები, მოცურავეები, ჩოგბურთელები, ტანმოვარჯიშეები, ველომრბოლელები და მძლეოსნები 6 დღის მანძილზე ოლიმპიური მედლების მოპოვებისთვის იბრძოდნენ.

საქართველო მედლების ჩათვლაში 50 ქვეყანას შორის მეათე ადგილზე გავიდა და ეს ძიუდოისტების დამსახურებაა. ძიუდოისტებმა შესანიშნავად იასპარეზეს და მასპინძლების 10 მედლიდან 9 სწორედ მათ მოიპოვეს, ერთი ბრინჯაოს მედალი კი საქართველოს ტანმოვარჯიშე დმიტრი გოვოროვმა (Dmitri Govorov) მოუტანა. ქართველი ძიუდოისტები თბილისი 2015-ზე ერთ-ერთი საუკეთესოები იყვნენ და საბოლოოდ ყველაზე მეტი, 9 (4-0-5) მედალი მოიპოვეს.

მედლების გარეშე დარჩნენ, თუმცა მეოთხედფინალამდე მიაღწია ოთხმა ქართველმა ჩოგბურთელმა და ორივე, ვაჟთა და გოგონათა წყვილმა.

წელს ბ. პაიჭაძის სტადიონზე 11 აგვისტოს ჩატარდა მატჩი უეფას სუპერთასზე. ამ ღონისძიებისთვის გამოიყო 16 630 000 ლარი. სტადიონზე დამონტაჟდა 116 ტურნიკეტი, 55500 სკამი, ახალი ტაბლო და მოხდა მთლიანად მისი ევროსტანდარტებთან მისადაგება.

კომისიამ იმსჯელა საქართველოს მთავრობის დადგენილების N748 შესახებ, რომელიც ეხებოდა საქართველოში ჭადრაკის განვითარების სახელმწიფო პროგრამის დამტკიცებას. აღნიშნული დადგენილებით ჭადრაკის განვითარებისთვის 2015-2018წწ. გამოყოფილია 38 570 149 ლარი. ამ თანხიდან თებერვალში ვაჟთა შორის მსოფლიო გრან-პრის გათამაშება დაფინანსდა 105 000 (ას ხუთი ათასი) ლარით.

კომისიის სხდომებზე განხილული საკითხები:

შორის პაიჭაძის ოჯახის თხოვნა შპს „დინამო არენა“-ზე კომერციული ფართების შენარჩუნების თაობაზე, რომელიც მერიასთან შეთანხმებით გადაწყდა დადებითად.

ახალგაზრდა ხელოვანთა ასოციაციის „არტ-თაუნი“-ს მიერ წარმოდგენილი ორი პროექტი „თბილისი დღეს და თბილისი ხვალ“ და „ახალგაზრდა ხელოვანთა ივალთო დანახული ეკოლოგიური პრობლემები“. კომისიის შუამდგომლობის და დადებითი რეკომენდაციის მიუხედავად პროექტების დაფინანსება მერიის განათლების, სპორტისა და ახალგაზრდულ საქმეთა საქალაქო სამსახურმა არ ჩათვალა მიზანშეწონილად.

ქალთა საერთაშორისო დღისადმი მიძღვნილი ტურნირის დამტკიცება ტყვიით სროლაში "8 მარტი"-ი. ტურნირში მონაწილეობა მიიღო ქ. თბილისის მუნიციპალიტეტის მერიის საქალაქო სამსახურებში, თბილისის საკრებულოში, თბილისის გამგეობებში, მერიის დაქვემდებარებულ ა(ა)იპ-ებში და სსიპ-ებში დასაქმებულმა ქალბატონებმა.

ქ. თბილისის მუნიციპალიტეტის ა(ა)იპ-ს თბილისის მოსწავლე-ახალგაზრდობის ეროვნული სასახლის დაფუძნების საკითხი კომისიამ დადებითად შეაფასა. საქართველოს მთავრობის 2015 წ. 1 ივნისის N1108 განკარგულებით, საქართველოს მთავრობის სარეზერვო ფონდიდან სასახლის მიმდინარე წლის ბოლომდე შეუფერხებელი ფუნქციონირებისათვის ქ. თბილისის მუნიციპალიტეტისათვის გამოიყო 1 090,0 ათასი ლარი.

ევროკავშირთან ასოცირების ხელშეკრულების ხელმოწერის და პარლამენტში რატიფიცირების შემდეგ დღის წესრიგში დადგა სხვადასხვა სფეროში, მათ შორის სპორტში, ამ შეთანხმების მოთხოვნათა პრაქტიკაში რეალიზაციის საკითხი. ამ კუთხით კომისიის მიერ ხელი შეეწყო სპორტულ/ახალგაზრდულ ა(ა)იპ-ების შექმნას და მათი რაოდენობა გაიზარდა 13-მდე. დაარსდა აიპ „კულა გლდანელის სახელობის ქართული ქიდაობის სპორტული ცენტრი“, „სპორტული ცენტრი ლილო“, „ფონიჭალის ახალგაზრდული ცენტრი“, „კალათბურთის განვითარების სპორტული ცენტრი“, „ტანვარჯიშის განვითარების სპორტული ცენტრი“, „ინტეგრირებული სპორტული ცენტრი“.

დაგეგმილია მათ ხელმძღვანელობებთან შეხვედრები.

კომისიამ დადებითი შეფასება მისცა თბილისის მუნიციპალიტეტის 2015 წლის ბიუჯეტით გათვალისწინებული ქვეპროგრამების „სპორტული ღონისძიებები“ (კოდი 8.6.1) და „ახალგაზრდული ღონისძიებების“ პროგრამის (კოდი 8.8) ფარგლებში შესაბამისი ღონისძიებების დაფინანსების განხორციელების წესის დამტკიცების შესახებ“ საკითხებს. ქ. თბილისის მუნიციპალიტეტის საკრებულოს დადგენილების თანახმად ქ. თბილისის მუნიციპალიტეტის მთავრობის მიერ შეიქმნა

კომისიამ, რომელიც იხელმძღვანელებს დამტკიცებული დებულების შესაბამისად და მიიღებს გადაწყვეტილებას დაფინანსების/თანადაფინანსების შესახებ პროექტებზე თუ მოთხოვნილი თანხა არ აღემატება 10 000 (ათი ათასი) ლარს. კომისიას ხელმძღვანელობს ქ. თბილისის მუნიციპალიტეტის მერის მოადგილე და კომისიის მუშაობაში მონაწილეობას იღებენ, როგორც ქ. თბილისის მუნიციპალიტეტის მერიის განათლების, სპორტისა და ახალგაზრდულ საქმეთა საქალაქო სამსახურის წარმომადგენლები, ასევე ქ. თბილისის მუნიციპალიტეტის საკრებულოს წევრები. ისინი აქტიურად არიან ჩართული პროექტების განხილვაში, შეფასებაში და ერთობლივი მსჯელობით იღებენ გადაწყვეტილებას, თუ რამდენად მიზანშეწონილია წარმოდგენილი პროექტების დაფინანსება.

სპორტული ღონისძიებების ფარგლებში, ქვეპროგრამის კოდით 8.6.1 თბილისის სპორტული ფედერაციები დაფინანსებულია 744 362,7 ლარით.

საქართველოს დემოკრატიული და სტაბილური განვითარების საქმეში მნიშვნელოვან როლს თამაშობს მომავალი თაობა. ხელი შეეწყოს ახალგაზრდების კვალიფიკაციის ამაღლებას, საერთაშორისო კონტაქტების დამყარებას, ჯანსაღი ცხოვრების წესის დამკვიდრებას. 2015 წელს ბიუჯეტში ახალგაზრდული ღონისძიებებისთვის გამოყოფილია 1 850 ათასი ლარი. მიმდინარეობს ახალგაზრდული ცენტრის მშენებლობა, რომლის ბიუჯეტი შეადგენს- 1 მლნ.ლ.

კომისიის გამართული შეხვედრები და მათში მონაწილეობა, ღონისძიებებში მონაწილეობა:

იანვრის თვეში საკრებულოს გერმანიის ქ. კარლსრუეს უნივერსიტეტის პროფესორი ზიგფრიდ კრაინერი სტუმრობდა. შედგა შეხვედრა კომისიის ხელმძღვანელობასთან რომელიც ითვალისწინებდა ახალგაზრდული პროექტების დაგეგმვის და განხორციელების ხელშეწყობას, მათ შორის სტუდენტური გაცვლითი პროგრამების განხორციელებას გერმანიისა და საქართველოს უნივერსიტეტებს შორის.

კომისიის ხელშეწყობით კულა გლდანელის სახელობის ქართული ჟიდაობის სპორტულ ცენტრს ჩაუტარდა რესტავრაცია და ამჟამად უკვე ფუნქციონირებს.

საკრებულოს და კომისიის თავმჯდომარესთან, სპორტისა და ახალგაზრდობის საქმეთა მინისტრთან და მერიის განათლების, სპორტისა და ახალგაზრდობის საქმეთა საქალაქო სამსახურის უფროსთან ერთად დავესწარი, დედაქალაქის მუნიციპალიტეტის საკრებულოში, სპორტის საერთაშორისო დღესთან დაკავშირებით, 2014 წლის სპორტულ თემაზე გადაღებული ფოტოების გამოფენას.

კომისიის შუამდგომლობით განხორციელდა ანდრო ჟორდანიას მემორიალური დაფის განთავსება მისი საცხოვრებელი სახლის კედელზე.

13 ივნისს, 2015წ დავესწარი თვითმმართველი ქალაქების რეგიონულ კონფერენციას, რომელიც ორგანიზებული იყო ქ. თბილისის მერიის განათლების, სპორტისა და ახალგაზრდულ საქმეთა საქალაქო სამსახურის მიერ და მასში მონაწილეობდნენ არასამთავრობო ორგანიზაციები და საქართველოს თვითმმართველი ქალაქების ახალგაზრდობისა და სპორტის საკითხებზე მომუშავე სამსახურების წარმომადგენლები.

05 ივლისს, 2015წ. მოსწავლე- ახალგაზრდობის ეროვნულ სასახლეში, ქ. თბილისის მერიის განათლების, სპორტისა და ახალგაზრდულ საქმეთა სამსახურის უფროსთან ერთად მიწვეული ვიყავი როგორც საპატიო ჟიურის წევრი პროექტი: თბილისის ჩემპიონატი სტუდენტური დებატებში 2015“-ის ფარგლებში, გაიმართა დებატები თსუ-ის და ჯიპას სტუდენტურ გუნდებს შორის თემაზე: „საქართველოს სახელმწიფო ახალგაზრდული პოლიტიკა და ადგილობრივი თვითმმართველობის როლი“.

სტუდენტურმა გუნდებმა წარმოადგინეს საკუთარი ხედვები, პრობლემების იდენტიფიცირება და გადაჭრის გზები ახალგაზრდულ სფეროში.

დებატის შემდგომ გაიმართა დისკუსია რომელშიც მონაწილეობდნენ სხვადასხვა უნივერსიტეტის სტუდენტები და სტუდენტური თვითმმართველობები,

18 ივლისი, 2015წ., თბილისის მუნიციპალიტეტის საკრებულოს თავმჯდომარესთან ერთად დავესწარი თავისუფლების მოედანზე საერთაშორისო ახალგაზრდული ოლიმპიური ფესტივალის „თბილისი 2015“-ის ცეცხლის ანთების საზეიმო ცერემონიალს.

18 ივლისი, 2015წ., თბილისის მუნიციპალიტეტის საკრებულოს თავმჯდომარესთან და წევრებთან ერთად დავესწარი „თბილისის პარასპორტის განვითარების ცენტრის“ საზეიმო გახსნის ცერემონიას.

შშმ პირებზე სრულად ადაპტირებული პარასპორტული არენა თბილისის მერიის ინიციატივითა და დედაქალაქის საკრებულოს მხარდაჭერით დაფუძნდა.

23 ივლისი, 2015წ., საკრებულოს და კომისიის თავმჯდომარესთან ერთად დავესწარი „მზიურის“ ტერიტორიაზე მდებარე ევროპული სტანდარტების შესაბამისი ჩოგბურთის კორტების გახსნის საზეიმო ცერემონიალს.

24 ივლისი, 2015წ., თბილისის მუნიციპალიტეტის საკრებულოს თავმჯდომარესთან ერთად დავესწარი თბილისის ზღვის შემოვლითი გზისა და

თემქის დასახლებიდან თბილისის ზღვაზე ასასვლელი საავტომობილო კვანძის გახსნის ცერემონიალს.

სპორტისა და ახალგაზრდობის საქმეთა მინისტრთან, საკრებულოს თავმჯდომარესთან და თბილისის მერთან ერთად დავათვალიერეთ ევროპის ახალგაზრდული ოლიმპიური ფესტივალის „თბილისი 2015“-ის ინფრასტრუქტურული პროექტების ფარგლებში განხორციელებული საგზაო სამუშაოები.

25 ივლისს, 2015წ. სასტუმრო „ამბასადორში“ , ქ. თბილისის მერიის განათლების სპორტისა და ახალგაზრდულ საქმეთა საქალაქო სამსახურის წარმომადგენლებთან, თბილისის ევროპული ახალგაზრდული ცენტრის ხელმძღვანელობასთან ერთად დავესწარი პროექტი: „რეფორმების ახალგაზრდული საბჭოს“ პრეზენტაციას. პროექტი ხორციელდება საქართველოს სპორტისა და ახალგაზრდობის საქმეთა სამინისტროს მხარდაჭერით და ითვალისწინებს საჯარო უწყებებთან და ადგილობრივი თვითმმართველობის ორგანოებთან რეფორმების ახალგაზრდული ჯგუფების ჩამოყალიბებას.

27 ივლისი, 2015წ., თბილისის მუნიციპალიტეტის საკრებულოს თავმჯდომარესთან, თავმჯდომარის მოადგილეებთან და საკრებულოს წევრებთან ერთად დავესწარი ევროპის ახალგაზრდული მე-13 ოლიმპიური ფესტივალის „თბილისი 2015“ ოფიციალური გახსნის საზეიმო ცერემონიალს.

დედაქალაქის მუნიციპალიტეტის საკრებულოს თავმჯდომარე გიორგი ალიბეგაშვილი, თავმჯდომარის მოადგილეები და საკრებულოს დეპუტატები, ევროპის ახალგაზრდული მე-13 ოლიმპიური ფესტივალი „თბილისი 2015“-ის

დავესწართ ლილოს დასახლებაში თბილისში ყველაზე თანამედროვე და კეთილმოწყობილი ჭიდაობის დარბაზის გახსნას, რომლისთვისაც ქალაქის ბიუჯეტიდან 200 000 ლარი გამოიყო და შენობის სრული რეკონსტრუქცია-რეაბილიტაცია განხორციელდა. საერთაშორისო სტანდარტების შესაბამისად მოწყობილ კომპლექსში 600 კვ.მ ზომის სპორტული, საჭიდაო და მინი ფეხბურთის მოედანია განთავსებული, სადაც 300-მდე სპორტსმენი და მოზარდი შეძლებს ვარჯიშს.

20 აგვისტოდან – 10 სექტემბრის ჩათვლით, 2015 წ. ქ. თბილისის მერიის განათლებისა და სპორტის ახალგაზრდულ საქმეთა საქალაქო სამსახურის მიერ ორგანიზებული ახალგაზრდული ბანაკის ფარგლებში შევხვდი 800-მდე ახალგაზრდას, მოვისმინეთ მათი პრობლემები, შეხედულებები, გავაცანი საკრებულოს საქმიანობა ახალგაზრდობისა და სპორტის კუთხით, აგრეთვე განვიხილეთ მომავალში შესაძლო თანამშრომლობის საკითხები.

29, 31 ოქტომბერს, მონაწილეობა მივიღე და მოხსენება გავაკეთე ფორუმში: „ახალგაზრდობის როლი სახელმწიფო რეფორმების განხორციელებაში“, რომელშიც მონაწილეობდნენ საქართველოს სპორტის და ახალგაზრდობის საქმეთა სამინისტროს, ქ. თბილისის მერიის განათლების, სპორტისა და ახალგაზრდულ საქმეთა საქალაქო სამსახურის, საქართველოს საგარეო საქმეთა სამინისტროს, საქართველოს გარემოს დაცვისა და ბუნებრივი რესურსების დაცვის სამინისტროს წარმომადგენლები, არასამთავრობო და სტუდენტური ორგანიზაციების ხელმძღვანელები.

ფორუმზე განხილული იყო მიმდინარე სახელმწიფო რეფორმები და ახალგაზრდობის ჩართულობის გზები.

კომისიაში შემოსულია 603 კორესპონდენცია, მათ შორის 481 საკრებულოს სხდომის მასალა და 122 განცხადება/წერილი. მომზადებულია 144 პასუხი. 122-დან შესრულებულია 119, განხილვის პროცესშია 3.

ჯერ კიდევ არის უამრავი პრობლემა სოციალური თემის კუთხით. თუმცა თქვენთან ერთად თანდათან ეს პრობლემები იქნება დამლეული.

კომისიის საქმიანობის გამჭვირვალობიდან გამომდინარე ყველას აქვს უფლება მიიღოს ინფორმაცია მისი საქმიანობის შესახებ.

ჯანმრთელობისა და სოციალურ საკითხთა კომისიის ფარგლებში გაწეული სამუშაო:

2015 წელს, 10 თვის მანძილზე ჯანმრთელობის დაცვისა და სოციალურ საკითხთა კომისიაში ჩატარდა 22 კომისიის სხდომა, რომლებზეც გატანილი იყო 26 საკითხი.

ჯანმრთელობის დაცვისა და სოციალურ საკითხთა კომისიამ 2014-2015წ. სულ ჩაატარა 35 კომისიის სხდომა და განხილული იქნა 47 საკითხი. აქედან აღსანიშნავია:

- ქალაქ თბილისის მუნიციპალიტეტის ტერიტორიაზე რეგისტრირებული საქართველოს მოქალაქეებისთვის, ასევე იმ მოქალაქეებისთვის, რომლებსაც ფაქტობრივი საცხოვრებელი ადგილი გააჩნია თბილისში და რეგისტრირებულნი არიან სოციალურად დაუცველი ოჯახების მონაცემთა ერთიან ბაზაში სოციალური დახმარებისა და სხვა სერვისების ხელმისაწვდომობის განხორციელების წესის დამტკიცების შესახებ”.
- ფრაქცია „ქართული ოცნება დემოკრატიული საქართველოსთვის” მიერ ჩატარებული მონიტორინგის ანგარიში (მომხსენებელი-ფრაქციის თავმჯდომარე რამინა ბერაძე). ასევე იმსჯელეს „უფასო სასაბილოების” პროგრამის გაუმჯობესების შესახებ.
- ქ.თბილისის მუნიციპალიტეტის 2014 წლის ბიუჯეტით გათვალისწინებული პროგრამებისა და ქვეპროგრამების ფარგლებში ქ.თბილისის მუნიციპალიტეტის მერიის ჯანდაცვისა და სოციალური მომსახურების საქალაქო სამსახურის განსახორციელებელი პროექტები მოსკოვის გამზირის მიმდებარე ტერიტორიაზე მდებარე მიუსაფართა დროებითი თავშესაფრის (კარვები) მოვლა-პატრონობასთან დაკავშირებით.
- „სხვა სოციალური ღონისძიებები რაიონებში ქვეპროგრამის ფარგლებში მოქალაქეთათვის დახმარებების გაცემის წესი.
- „ქ. თბილისის მუნიციპალიტეტის მერიის ჯანმრთელობის დაცვის პროგრამებისა და მათი განხორციელების წესის დამტკიცების თაობაზე”. საკრებულოს დადგენილების პროექტი მოიცავდა ონკოპრევენციის პროგრამის, ნარკომანიის ჩანაცვლებითი თერაპიის პროგრამის, გადამდებ და არაგადამდებ დაავადებათა ეპიდემიოლოგიური კონტროლის პროგრამის, ლეიკემიისა და სხვა ონკოჰემატოლოგიური დაავადებების მქონე პაციენტებში (30 წლამდე ასაკის) ძვლის ტვინის ტრანსპლანტაციის პროგრამის განხორციელების წესებს. საკითხი გატანილი იქნა საკრებულოს სხდომაზე (N04/1079).
- „ქ.თბილისის მუნიციპალიტეტის მერის შეზღუდული შესაძლებლობების მქონე პირთა საკითხებზე მომუშავე საბჭოს დებულების დამტკიცების შესახებ” დადგენილების პროექტი.
- „შეზღუდული შესაძლებლობების მქონე პირთა საზოგადოებაში ინტეგრაციის ხელშეწყობის ქვეპროგრამის განხორციელების წესის” დამტკიცება.

- განისაზღვრა და დამტკიცდა C ჰეპატიტით დაავადებულ პირებში მკურნალობის ტაქტიკის განსაზღვრისათვის საჭირო კვლევების დაფინანსების განხორციელების წესი.
- „ქ. თბილისის მუნიციპალიტეტის ტერიტორიაზე რეგისტრირებული საქართველოს მოქალაქეებისათვის, ასევე იმ მოქალაქეებისათვის, რომლებსაც ფაქტობრივი საცხოვრებელი ადგილი გააჩნიათ თბილისში და რეგისტრირებული არიან სოციალურად დაუცველი ოჯახების მონაცემთა ერთიან ბაზაში სოციალური დახმარებისა და სხვა სერვისების ხელმისაწვდომობის განხორციელების წესის შესახებ“
- „აუტიზმის სპექტრის დარღვევის მქონე ბავშვთა რეაბილიტაციის“ ქვეპროგრამის განხორციელების წესის დამტკიცებას.
- ქ.თბილისის მუნიციპალიტეტში, 2015 წლის 13-14 ივნისს მომხდარი სტიქიის შედეგად დაზარალებულ პირთა საცხოვრისით უზრუნველყოფის, უძრავი ქონების დათმობისა და სხვა სახის ფულადი დახმარების გაცემის წესის დამტკიცების შესახებ.
- ადრეული ძუძუს კიბოს (I-III სტადია) მქონე პაციენტების მედიკამენტების უზრუნველყოფა. (პერცეპტინი)

ჯანდაცვისა და სოციალური მომსახურების საქალაქო სამსახურის მიერ ადმინისტრირებადი "სხვა სოციალური დახმარებების" პროგრამის ფარგლებში, ჯანდაცვის საქმეების დაფინანსებაზე შემოსული განცხადებების რაოდენობა და მათ შესახებ კომისიის მიერ მიღებული გადაწყვეტილებები, 2015 წლის იანვრიდან 6 ოქტომბრის ჩათვლით პერიოდი.

მომხმარებლის სახე	განცხადებების რაოდენობა			თანხა (ლარი)		
	განხილული	მათ შორის სრულად ან ნაწილობრივ დაკმაყოფილებული		მომხმარებლის	მათ შორის დაკმაყოფილებული	
AT-ამბულატორიული მკურნალობა	1,438	1,352	94%	2,527,410	1,214,288	48%
BT-ქვევითი თერაპია	225	200	90%	280,057	72,266	25%
CH-ქიმიოთერაპია	238	211	88%	1,751,307	458,536	26%
GE-გამოკვლევები (როგორც ლაბორატორიული, ასევე რადიოლოგიური)	182	172	94%	364,485	160,273	43%
IE-ინოტოპური გამოკვლევა	33	32	96%	48,207	38,874	80%
LE-ლაბორატორიული გამოკვლევები	365	335	91%	266,691	172,083	64%
MC-მედიკამენტი	7,555	7,178	95%	10,593,244	3,103,720	32%
OD-ოპერაციული დიაგნოსტიკა	81	73	90%	193,327	112,192	58%
OT-ოპერაციული მკურნალობა	5,023	4,698	93%	32,772,252	6,308,619	20%
RE-რადიოლოგიური გამოკვლევები	957	915	95%	576,439	408,577	70%
RH-რეაბილიტაცია	889	833	93%	1,477,977	504,645	34%
RT-სხვიური თერაპია	373	344	92%	1,288,205	536,961	41%
ST-სტაციონარული მკურნალობა	401	338	84%	3,912,447	1,254,504	33%
TM-სამკურნალო მასაჟი	399	382	95%	211,341	117,287	55%
TT-მეტყველების თერაპია	134	116	86%	164,810	42,910	26%
OX-სხვა შემთხვევები	320	212	66%	401,782	224,187	55%
სულ	18,613	17,391	93%	56,829,981	14,729,923	26%

2015 წლის იანვრიდან დღემდე ქ.თბილისის მუნიციპალიტეტის საკრებულოს ჯანმრთელობის დაცვისა და სოციალურ საკითხთა კომისიის სახელზე შემოვიდა 853 კორესპონდენცია. დაკმაყოფილდა 248 (28.1%) შუამდგომლობა, უარი იქნა მიღებული 223 (26%) შუამდგომლობაზე, დაპირება-96 (12%), 193 შუამდგომლობა განხილვის პროცესშია. (ძირითადად უარის მიზეზი: მოქალაქეები ითხოვენ საცხოვრებელი ფართით (ბინით) დაკმაყოფილებას, რომელი მომსახურებაც მუნიციპალიტეტს არ აქვს).

- ერთჯერადი ფინანსური დახმარება-248- კორესპონდენცია
-დაკმაყოფილდა 52 (23%) შუამდგომლობა
-უარი იქნა მიღებული 57(24%) შუამდგომლობაზე
- სამედიცინო მომსახურება-306 კორესპონდენცია
-დაკმაყოფილდა 171 (57%) შუამდგომლობა
-უარი იქნა მიღებული 59 (19)შუამდგომლობაზე
- სხვა სოციალური მომსახურება-33 კორესპონდენცია
- დაკმაყოფილდა 1 შუამდგომლობა

- უარი იქნა მიღებული 15 შუამდგომლობაზე
- განხილვის პროცესშია 17 შუამდგომლობა
- სხვა სოციალური საკითხები-243 კორესპონდენცია
 - დაკმაყოფილდა 19 შუამდგომლობა
 - უარი იქნა მიღებული 87 შუამდგომლობაზე

2015 წელს, ლილოს დასახლებაში იგეგმება ახალი მიუსაფართა თავშესაფრის გახსნა.

2015 წლის განმავლობაში, გარდა კომისიის სხდომებისა, ჩატარდა სამუშაო შეხვედრები, მათგან აღსანიშნავია:

1. სამუშაო შეხვედრა ბავშვთა კვების წარმომადგენელ კომპანიებთან (NESTLE, HUMANA, HIPPI, CELIA, PRISCO), რომელიც შეეხებოდა ბავშვთა ჯანმრთელობის დაცვის, უსაფრთხო და ადეკვატური საკვებით უზრუნველყოფის, ბუნებრივი კვების პრაქტიკის ხელშეწყობის თემატიკას.

ასევე, წარმატებით განხორციელდა შინმოვლის პროექტი, რომელიც გულისხმობს „სოციალურად დაუცველი ოჯახების ერთიან ბაზაში“ რეგისტრირებული საწოლს ან სახლს მიჯაჭვული ადამიანების დახმარებას. პროგრამის ბიუჯეტმა შეადგინა 360 000 ლარი და დღემდე წარმატებით ხორციელდება დონორი ორგანიზაციების („სოციალური პარტნიორობა“, „საქართველოს ზრუნვის პლათფორმა“) თანადაფინანსებით.

შემოსული და განხილვის პროცესში მყოფი პროექტები

1. „ჰემოფილით დაავადებულ ბავშვთა დახმარების კავშირი“.
2. შპს „OXIGEN“ ნატურალური წვენი ქანგბადით გაჯერება.
3. ფსიქოლოგიური მომსახურების ცენტრი *მწვანე სახლი*.
4. *აიიპ მტკიცებულებებზე დაფუძნებული პრაქტიკის ცენტრი*.
5. არასამთავრობო ორგანიზაცია „კავშირი ადამიანებისთვის განსაკუთრებულ ზრუნვას რომ საჭიროებენ“.
6. საქართველოს ფსიქოლოგიური დახმარების ასოციაცია „ნდობა“.
7. არასამთავრობო ორგანიზაცია „ბავშვთა და დედათა უფლებათა უფლებებისთვის“.პროექტის სახელწოდება: „თბილისი ხელებგაწვდილი მიუსაფარი ადამიანების გარეშე“.

ქ.თბილისის მუნიციპალიტეტის საკრებულოს წევრი
ირაკლი გვილავა

სპორტისა და ახალგაზრდულ საქმეთა კომისიის წევრი

ჯანმრთელობისა და სოციალურ საკითხთა კომისიის წევრი

ფრაქცია „ქართული ოცნება– დემოკრატიული საქართველოს“ წევრი